



# KOPI PAHIT

Radio Indonesia Bebas selain menyebut Sukarno sebagai sontoloyo juga mengenalnya-Firaun Indonesia. Gelaran ini kurang tepat bung, sebab ia tidak sebanding dengan Firaun kerana Firaun mengaku menjadi tuhan sedang si Karno, kalau ada majlis agama, kan pura-pura bawa ayat Qur'an – dan kalau ada majlis berpoya-poya ia tahan dan mau berpoya-poya di luar negara. Jadi lebih tepat bilangin aja dia: si Karno munafik – kan mukanya banyak deh!

\* \* \*

Presiden Kennedy telah mati terkena tembak di negeri Dallas. Kematiaannya memeranjatkan dan semua orang yang cinta keamanan berdukacita kehilangannya. Begitulah kebaikannya dikenang orang. Orang-orang dengar berita itu masing-masing ngurut dada sebab yang baik hilang. Mereka bilang, *ngapa deh gak bung sontoloyo Karno yang mampus kena tembak*. Kalau berita Karno ditembak masing-masing orang kan sukacita di antaranya al-Faruk sendiri yang lama kenal deh. Al-Faruk, kalau Karno mati deh baca selamat empat puluh orang. Ngapa? Kerana ia tahu Karno munafik dan perosak orang-orang Islam.

\* \* \*

Ketua agama UMNO Singapura meng-*shura*-kan supaya Rang Undang-undang Singapura dikemukakan bulan ini oleh Menteri Kebajikan Masyarakat untuk di-*pass*-kan. Tuan ini nampaknya mau tergesa-gesa dikemukakan supaya

zakat dapat dipungut. Kalau zakat sahaja – tidak menjadi soal tetapi kandungan Rang Undang-undang itu yang telah dibantah dahulu banyak perkara-perkara yang mengikat dan ada di antaranya didapati yang bertentangan dengan hukum Islam. Adakah Rang Undang-undang yang semacam ini mau di-*pass*-kan tergesa-gesa dan umat Islam tiada ditanya dahulu pendapatnya? Tidakkah molek, dimasak betul – jangan dimasak oleh segelintir manusia yang tidak diakui umat sebagai mewakili mereka? Baik-baik jangan kelak orang-orang boleh menuduh kerajaan sengahaja memaksakan hukuman ke atas orang-orang Islam sebab dasar kerajaan membebaskan agama tetapi kerana beberapa orang lalu terkeliru dan mengelirukan! Ingat sahaja, tuan ketua-ketua bagaimana sudah jadi dan telah didiamkan peraturan-peraturan dijalankan terhadap orang Islam tanpa undang-undang.

\* \* \*

Karno bilang ia tidak korupsi, ia tidak punya rumah. Apa Karno mau rumah besar-besar lagi, kan istana sudah dipunya ia tinggal di dalamnya sebab ia boleh jadi Firaun seumur hidup – mewah dan berleluasa, terus menerus sehingga isteri orang pun kalau ia mau boleh diambilnya – Firaun Indonesia, kata Radio Suara Bebas Indonesia.

\* \* \*

Dengan percantuman menurut perjanjian, Seri Paduka Yang di-Pertuan Agong menjadi Ketua Agama bagi Singapura – syukurlah! Ini ertinya kalau ada sewenang-sewenang terhadap agama Islam, rakyat boleh mengadu kepada baginda. Dengan adanya ini diharap orang-orang Singapura jangan takut-takut lagi seperti dahulu – dan tentunya yang bersama-sama tidak takut ialah

– Cemeti al-Farouk.